

棗陽縣志卷三十三

祥異志

祥瑞

齊武帝永明九年辛未義陽安昌縣獲白驪一頭見南齊書祥瑞志

明憲宗成化十三年丁酉穿山甲見於泮池額有田字是年田紹舉於鄉

武宗正德三年戊辰穿山甲復見泮池是年李邦用登進士

正德五年庚午芝產於孝子王雲鳳墓

世宗嘉靖二十五年丙午蛟見泮池黃龍岡產靈芝數十本

嘉靖三十八年己未蛟見泮池

清嘉慶十一年丙寅大有年

棗陽縣志卷三十三

祥異志

祥瑞

一

武昌正信印務館代印

咸豐二年壬子麥穗雙歧四鄉多有之

咸豐六年丙辰縣東蔡姓婦一乳三男邑令陳賞給錢布又北關朱姓婦亦一產三子

光緒八年壬午王家城西鄉農民妻一乳三子

光緒十七年辛卯鹿頭鎮西鄉李姓田一禾雙穗間有三穗者

光緒二十一年乙未王家城農民謝元成家斡麥三畝兩歧者過半是年其家貓犬

同產於雞棲雞亦伏雛均不相殘論者謂家庭和睦所感

壽民附

歲貢生陳潔字也亭烏金店南鄉人卒年九十六自有傳

醫士彭光紀邑西彭家洲人卒年九十六

李連芳邑北李岡人卒年九十五

庠生池若泮字一村行年九十五猶不倦於勤

王萬邑西崔王莊人現年九十四猶強健

劉光亨邑北林莊人享年九十四

李萬德邑北李家集人現年九十四

唐封翁大琮字公佩邑南唐家店人卒年九十三自有傳

恩貢生張純楊家壩人卒年九十三自有傳

庠生王自謙北鄉人卒年九十一以品行稱

羅玉寶邑東南詹家廟人現年九十一

雷政光緒二十二年卒年九十一

棗陽縣志卷三三

祥異志

祥瑞

二

武昌正信印務館代印

壽婦附

姚氏邑南新集東鄉人隨邑訓導劉繼陵之妻享壽百有二歲稱爲巾幗之人瑞

高氏邑西王家岡王正庭之妻享壽百有二歲

魯氏劉家砦農民羅明順之妻現壽百有一歲

施氏盧春暉之妻享壽百有一歲

秦氏劉扶梁之妻享壽一百歲

董氏邑北峽口饒有富之母卒年九十九

張氏王家城李成順之妻享年九十九

邑南清潭店東鄉楊慶遙之妻某氏現年九十六孫枝林立五世同居

喬氏邑北張志旺之母現年九十六尙能縫紉

陳氏邑北任莊李鎮西之母享年九十六

楊氏鹿頭鎮趙河之妻享年九十六五世同居

廖氏孫維翰之妻卒年九十五

方氏郭萬卿之祖母卒年九十五

王氏邑北姚棚喬士元之母卒年九十四

王氏馬萬才之母卒年九十四

李氏邑西蔡正興之妻現年九十四

李氏邑南吳家店劉錫侯之妻卒年九十四

劉氏邑南李家樓江西瑞昌知縣李達義之妻卒年九十三

張氏庠生周正錫之母現年九十三

棗陽縣志卷三十三

祥異志

祥瑞

三

武昌正信印務館代印

唐氏增生謝訂蘭之妻卒年九十三

王氏邑西李方有之妻享年九十三

李氏鹿頭鎮王文超之妻享年九十三

張氏邑北吉莊武進士任連元之母現年九十三尙稱健康

周氏廩生張修銘之母現年九十二起居服食尙不需人

姜氏壕家灣瓌學浩之妻卒年九十二

鄔氏城內邱法興之妻卒年九十二

陳氏邑南高家坑陳仙梯之妻卒年九十一親見孫曾男女五十七人

楊氏鹿頭鎮連建中之妻卒年九十一

陳氏遷民店李文烈之母現年九十一

杜氏邑南車橋河耆民陳春發之妻現年九十

以上壽民壽婦舊志無之據此次採訪冊錄入

災異

宋孝宗隆興元年癸未棗陽大饑斗米六七千錢

乾道三年丁亥冬大饑四年戊子春饑尤甚

嘉定二年己巳春饑斗米數千錢人食草木

淳祐二年九月戊午大星隕於境內聲如雷大風拔木是日孟琪卒

元武宗至大元年戊申大饑

文宗至順元年庚午大饑

順帝至正九年己丑夏四月張氏子暴長見元史五行志

棗陽縣志卷三三

祥異志

祥瑞

四

武昌正信印務館代印

明太祖洪武二十八年乙亥唐子山有白蛇赤兔交頸而居

孝宗宏治十七年甲子秋大旱

武宗正德四年乙巳春天鼓鳴地震大饑

正德七年壬申夏民婦王氏生子身黑如漆

正德九年甲戌大旱秋蝗大饑

世宗嘉靖元年壬午春三月地震一日二次

嘉靖七年戊子秋蝗大饑人相食

按通鑑綱目嘉靖八年御史張祿繪饑民十圖以獻棗陽與焉

嘉靖十年辛卯秋蝗

嘉靖十三年甲午夏蝗大疫

嘉靖十七年戊戌夏四月大雨沙河擁異物如龜人多漂沒

嘉靖十八年己亥秋大旱

嘉靖二十二年癸丑夏六月大雨溪水溢流石數十里兩月始霽

嘉靖三十一年壬子夏大雨雹

嘉靖四十年辛酉天明復晦雨墨池魚盡死

嘉靖四十四年乙丑大饑

嘉靖四十五年丙寅秋九月大風拔木

穆宗隆慶三年己巳大雨傷禾

隆慶四年庚午大饑人食樹皮

神宗萬歷元年癸酉春大疫

棗陽縣志卷三三

祥異志

災異

五

武昌正信印務館代印

懷宗崇禎三年庚午冬十二月地震有聲

崇禎四年辛未縣民王氏女及笄忽變爲男子

崇禎十一年戊寅蛟見於宣文閣歲大饑

崇禎十二年己卯仍饑

崇禎十三年庚辰蝗蝻并作食苗殆盡十四年大饑人相食

崇禎十六年癸未斗米錢八串

清世祖順治二年乙酉仲夏大疫人相食

順治三年丙戌夏大疫

順治十三年丙申冬十月十八日雨水著樹如甲

聖祖康熙九年庚戌旱疫次年復疫

高宗乾隆七年壬戌夏秋水災

乾隆十年乙丑夏秋水災大疫

乾隆十一年丙寅五月初九日大水壞民廬舍城垣倒塌十餘處

乾隆三十三年戊子旱民多饑死

乾隆四十三年戊戌旱災

乾隆五十年乙巳旱冬清潭鎮有虎入市衆鳴鑼執械逐之越日而火火毬如斗飛半里外著樹爲焦不獨熊字能火也

乾隆五十一年丙午春饑民剝樹皮磨麪爲食夏麥有秋大疫流行秋七月飛蝗蔽日未成災

仁宗嘉慶元年丙辰春三月有黑氣自東飛向西南啐噤有聲

棗陽縣志卷三三

祥異志

災異

六

武昌正信印務館代印

嘉慶十年乙丑冬十二月大雪沍寒冰厚五尺

嘉慶十八年癸酉大旱

嘉慶十九年甲戌饑疫斗米千錢次年冬大雪

嘉慶二十一年丁丑夏六月大雷電以風伐屋拔木蛟見鸚鵡水

宣宗道光三年癸未夏六月朔日食晝晦星斗畢見

道光五年乙酉有大星頭如箕身如龍長十餘丈自東而西白光燭地

道光八年戊子秋七月螟螣害稼

道光十四年甲午旱蝗

道光十九年己亥元旦雷震

道光二十五年乙巳春霖雨八十餘日夏石橋民劉凱家驟生駒

文宗咸豐五年乙卯秋七月暴雨沙河盛漲北門橋上水深數尺房屋冲塌無數
咸豐七年夏飛蝗遮天

咸豐十年庚申冬十二月雪深四尺牲口多凍死

穆宗同治元年壬戌秋七月有蝗冬十月桃杏華

同治四年乙丑正月十四日東南鄉大雨迅雷已刻晝晦如夜城中雨雪連旬樹木
多凍死

同治七年戊辰四月雪

王琴岩有詩曰四月鄉村風勢惡吹來壞雲當頭落霖雨三日水遍溢傍晚奇寒
雪大作如掌花散如鷺毛飛向青疇望漠漠吁嗟乎正月三白宜麥收白到四月
麥不秋

棗陽縣志卷三三

祥異志

災異

七

武昌正信印務館代印

同治九年庚午夏大旱六十日

德宗光緒三年丁丑大饑流民滿路屑糖揭榆皮爲食野有餓殍

光緒六年庚辰有彗星見於東北

光緒七年辛巳夏五月雨雹大如拳毀屋傷稼無算七月上旬天將曉彗星見東方
其光燭天

光緒十二年丙戌冬十二月大雪雪窖深數尺凍斃行旅

光緒十四年戊子秋九月蝻食麥苗幾盡又太白見

光緒十五年己丑秋淫雨四十餘日禾稼糜爛過半人乏食

按是年四月有水亭見於翼軫之北光白如練長數丈旬餘始滅未百日而秋水
作應楚北者翼軫之分也

光緒十七年辛卯大旱路無飲水

光緒十八年壬辰春鹿頭鎮連姓驟生駒

光緒二十一年乙未春三月邑南盧家灣至泰山廟一帶大雨雹屋瓦被毀無數

光緒二十三年丁酉東沙河水鬪水聚柱高數尺進退相撞又馬家堰亦如之

光緒二十四年戊戌秋大旱滾河絕流又鹿頭鎮地方禾生蟲食葉穗幾盡

光緒二十五年己亥三月大水三次由三河店至鹿頭鎮沖沒河田千餘畝五月一次害亦相埒秋復大旱冬十一月二十一日申初日珥見光燄照灼如三日並出外有大光環如虹繞之再外有三半環如反弓狀均向外

按吾國天文家謂珥者環珮之象其光奪日主女后擅權半環內向者爲霞冠主外夷內附反向者外夷內叛翌年秋八月聯軍入北京兩宮西狩其應如響傳曰

棗陽縣志卷二二三

祥異志

災異

八

武昌正信印務館代印

幾者動之微吉凶之先見者也董子曰天人相與之際甚可畏哉西人謂此類現象無關吉凶當不盡然

光緒二十六年庚子三月初八日午刻烈風暴起黃霧四塞白晝如晦四月地震池水溢秋七月大旱八月太白晝見

光緒二十八年壬寅六七月發蛟水兩次禾稼多被漂沒惟高田秋收甚豐

光緒三十年甲辰春二月雪雜黑子俱下大如豆夏五月雨血邑北三里許尤甚著衣卽赤

光緒三十二年丙午五月十六日滾河水暴漲淹沒人畜衝塌屋宇無算六月蛟水復發熊家集梁家集二鎮暨青山一帶房屋浸毀田地砂積尤甚兩次水患爲吾邑未有之奇災

光緒三十四年戊申六月十三日大水蛟見數處居民多被其害

宣統二年庚戌正月二十三日昧爽大星隕東南聲如雷秋七月彗星見東北旋復見於西南其長竟天月餘乃滅

按西國天文家哈雷氏由天文臺窺測謂彗星行度幾至與地球相撞別無占驗蓋以推步言之也惟未幾而吾國鼎革而歐洲戰禍幾震動全球果無關於災祥耶

宣統二年十二月除夕雨雪大雷電以風松竹壓折幾盡二年元旦冰著草木有人被介之象

宣統三年辛亥夏六月十三日大雨雹二十四日夜白虹橫天秋九月朔日食白晝如晦